



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XXII. Quod morte mandatoris, lite non contestata, finitur mandatum.

urn:nbn:de:hbz:466:1-15588

non est in aliquo deferendum: sed statim erit in eandem reducendus sententiam, quæ, donec mandatum susceperit, & susceptum pro posse suo fuerit executus, debet firmiter obseruari.

CAP. XXI.

Idem Eboracensi archiepiscopo, & Couentrensi episcopo.

Ex parte N. capellani nobis innotuit, quod cum ad te frater * Couetren. episcopi, literas impetrasset, vt ei archidiaconatum, quem in ecclesia primo vacare contigerit, assignares, R. aduersarius eius alias a te frater Eboracensis literas, sicut dicitur, impetrauit, nulla de prioribus habita mentione: vt si auunculus eius archidiaconatum, quem habebat in iam dicta ecclesia, vellet omnino dimittere, ipsum ei faceres assignari. Quoniam igitur si memores fuisset, nos præfato N. literas nostras sicut prædiximus, direxisse, pro aduersario eius nullatenus scripsisset, nolentes literas nostras, quas pro eodem N. misimus, occasione aliqua effectu carere: fraternitati tuæ, &c. quatenus præscriptum episcopum admoneas, vt præfato N. archidiaconatum ecclesiæ suæ, si vacet, iuxta promissum suum assignet, non obstantibus literis, quæ ab aduersario eius postmodum fuerint, tacita veritate, impetratæ.

CAP. XXII.

Idem Lucius tertius Cantuariensi archiepiscopo, & eius suffraganeis.

Relatum est ex parte vestra, quod licet in commissionibus a sanctæ recordationis Alexandro papa tertio prædecessore nostro factis, fuerit appellationis remedium amotum: altera tamen partium, siue lis fuerit contestata, siue non, exspirasse mandatum morte mandatoris allegat; ideoque negotiis omnibus postpositis, in suspenso mandatum apostolicum expectatis. Nos igitur consultationibus vestris præsentium auctoritate respondemus, quod si lis contestata fuerit ante obitum prædecessoris nostri, mandatum in morte mandatoris nullatenus exspirauit. Si vero ante litem contestatam decessit, non est in eo casu iudicibus quos delegauerat, ex delegatione huiusmodi procedendum, etiamsi ab eis minime fuerit appellatum. Po-

ANNO
CHRISTI
1179

terit ergo in eo casu, appellatione cessante, procedi, in quo ante mortem mandatoris lis fuerit per conquestionem & responsonem partium contestata. Vbi autem mors mandatoris, lite contestata, præcessit, penitus subsistatur, siue fuerit, siue non fuerit appellationis obstaculum interiectum.

DE TESTIBVS COGENDIS Pars VIII.
VEL NON.

CAP. I.

Idem Alexander.

CVM super causa quæ vertitur inter venerabiles fratres nostros Prænestinum episcopum, & dilectum filium nostrum abbatem, sit testimonium vestrum necessarium, & veritati contingat: præsentium auctoritate vobis præcipimus, quatenus quarta feria proximæ hebdomadæ perhibitori testimonium veritati, omni occasione & excusatione cessante, vos apostolico conspectui præsentetis. Si vero tunc non veneritis, sciatis ab officio & beneficio apostolica auctoritate vos suspensos: & si non sic veneritis, excommunicationis sententiam poteritis formidare.

CAP. II.

Idem Capuano episcopo, & abbati sanctæ Lucie, & priori sanctæ Crucis.

Causam quæ inter N. & O. monachos super electione de utroque facta in monasterio diutius est agitata, experientia vestræ committimus audiendam, & appellatione remota, sine debito terminandam. Ideoque dilectioni vestræ, &c. quatenus partes ante præsentiam vestram conuocetis, & susceptis attestacionibus vtriusque partis, quæ ab aliis iudicibus sunt receptæ, testes alios, si qui idonei sunt, admittentes, nisi attestaciones ipsæ sint publicatæ, & rationibus hinc inde auditis diligenter & cognitis, causam ipsam, sublato appellationis remedio, sine debito terminetis.

Post publicationem attestacionum, producendi locum non esse.